

**Ured za međuuniverzitetsku saradnju  
u zemlji i inostranstvu**

Tel: 300 526

Fax: 300 528

Tuzla, 07. 01. 2008. godine

**Predmet: Izvještaj o radu za period 01. 01. 2008. – 31. 12. 2008.**

Ured za međuuniverzitetsku saradnju u zemlji i inostranstvu je u izvještajnom periodu imao vrlo složene aktivnosti, sa nizom zadataka, koje su uspješno realizovane.

Specifikacija aktivnosti koje se realizuju u Uredu:

1. Međunarodni projekti:
  - Tempus JEP «Introduction of the ECTS at the B&H Universities»,
  - Tempus SCM "EU oriented self-evaluation report procedures for BiH universities"
  - Poboljšanje socijalnih službi i uloge istraživanje u oblasti socijalnog rada
  - Razvoj privatnog sektora na Zapadnom Balkanu PSD II
2. Međunarodna saradnja i internacionalizacija
  - 2.1 Uspostavljanje saradnje u BiH, regiji i svijetu
  - 2.2 Mobilnost
3. Ljetni Univerzitet
4. Promovisanje i podrška u realizaciji FP7 programa
5. Provjere diploma i dokumenata
6. Stipendije i konkursi
7. Studenti strani državljani
8. Internet i web stranica
9. Razno

**1. Relizacija međunarodnih projekata**

Ured za međuuniverzitetsku saradnju u zemlji i inostranstvu je tokom 2007. godine učestvovao je u realizaciji slijedećih Tempus projekata:

- *«Introduction of the ECTS at the B&H Universities»*, koordinator projekta je Prof. dr. Mirsad Đonlagić, Univerzitet u Tuzli, a kontraktor je University of Marburg, Njemačka. Projekat se realizuje u periodu 2004/2008.

Na projektu su još uključeni Univerzitet iz Porta, Portugal, Academic Training Association, Holandija, Univerzitet iz Genta, Belgija te svi BiH univerziteti.

Osnovni zadaci ovog projekta su harmonizacija nastavnih planova i programa na svim BiH univerzitetima kao preduslov za uvođenje kreditnog sistema obrazovanja i uvođenje kreditnog sistema obrazovanja kompatibilnog sa ECTS-om.

Tokom realizacije ovog projekta u 2008. godini, realizovane su slijedeće aktivnosti:

1. Završni workshop na Univerzitetu u Portu – februar 2008. – Tema ovog workshopa je bila: Analiza postignutih rezultata u implmentaciji ECTS sistema na B&H univerzitetima i Bolonjskog procesa i preporuke za dalju implmentaciju istih.
2. Reliazovana mobilnost studenata između B&H i EU univerziteta
3. Završen matreijal i štampanje knjige «Bolonjski proces od ideje do implmentacije»
4. Završen materijal i štampan Informacioni paket Univerziteta u Tuzli za 2007/08 školski godinu na Bosnaskom i Engleskom jeziku. Obje publikacije su radene u saradnji sa Uredom za nastavu i studentska pitanja a obuhvataju osnovne informacije o univerzitetu i pregled nastavnih planova za sve fakultete.
5. Organizovan završni koordinacioni sastanak u Aprilu 2008. godine u Marburgu. Cilj sastanka je bio priprema završnog izvještaja projekta za period 2004-2008. godina. Također je tokom sastanka dogovorena i priprema novih Tempus projekata i nastavak saradnje između univerziteta učesnika na projektu.

Jedan od osnovnih ciljeva Bolonjskog procesa je mobilnost studenata i nastavnika. U trećoj godini realizacije ovog Tempus projekta (2007/2008) realizovana je mobilnost studenata između institucija iz BiH i EU institucija. Studentica Filozofskog fakulteta Univerziteta u Tuzli sa Odsjeka za Njemački jezik i književnost, Merima Delić, je provela ljetni semestar školske 2007/2008. godine na Univerzitetu u Marburgu. Njen boravak je u potpunosti realizovan preko Ureda za međunarodnu saradnju kroz navedeni Tempus porjekat. Međutim, mobilnost studenta i nastavnika na Univerzitetima u Tuzli još uvijek nije organizovana na zadovoljavajućem nivou.

U okviru projekta štampana je knjiga pod nazivom “Bolonjski process od odeje do implmentacije”. Prvobitno je bilo zamišljeno da ova knjiga predstavlja ECTS priručnik. Kako smo svijedoci iznimno širokog spektra aktivnosti i inicijativa koje se realizuju na univerziteima a tiču se implementacije Bolonjskog procesa, te da su reformskim procesima obuhvaćene i druge aktivnosti a ne samo uvođenje kreditnog sistema obrazovanja, odlučili smo da u knjizi trebaju da budu predstavljeni svi segmenti Bolonjskog procesa i rezultati koji su postignuti na B&H univerzitetima.

Knjiga je namjenjena studentima, nastavnicima i široj javnosti s ciljem upoznavanja sa idejom i osnovnim postavkama i ciljevima Bolonjskog procesa te dostignućima B&H univerziteta u procesu približavanja Evropskom akademskom prostoru visokog obrazovanja.

Za ovaj projekat Ured je kreirao web stranicu <http://www.ects.untz.ba> na kojoj su dostupne sve relevantne informacije vezano za ovaj projekat: ciljevi, aktivnosti, izvještaji, prateći dokumenti i dr.

- Tempus SCM "**EU oriented self-evaluation report procedures for BiH universities**" gdje je koordinator Univerzitet u Istočnom Sarajevu, kontarktor KATHOLIKE Hogeschool Sint-Lieven iz Belgije. Ostali učesnici na projektu su Univerzitet u Sarajevu, Univerzitet u Parmi, Univerzitet u Portu, Univerzitet u Banja Luci i Sveučilište u Mostaru.

Ciljevi projekta su kreiranje uslova za dalju implementaciju procedura osiguranja kvaliteta na BiH univerzitetima tj. edukacija i upoznavanje BiH učesnika sa standardima i procedurama u pripremi samo-evaluacijskih izvještaja i organizovanju eksterne evaluacije Univerziteta. Tokom realizacije projekta urađen je samo-evaluacijski izvještaj za dodiplomski studij za Fakultet elektrotenike, Odsjek Energetska elektrotenika. Jedan od ciljeva ovog projekta je također i razvoj i kreiranje alata i mjera koji se koriste u akreditaciji univerziteta. Tokom realizacije projekta organizovana je i posjeta eksternih evaluatora koji su dali svoju ocjenu o Fakultetu elektrotehnike. Jedna od bitnih aktivnosti ovog projekta je svakako je i kreiranje vodiča sa zajedničkim procedurama za samoevaluaciju i eksternu evaluaciju BiH univerziteta uz saradnju sa EU ekspertima.

Projekat je startao u Oktobru 2007 godine i trajao do Oktobra 2008. godine.

*Napomena: Sva učešća na navedenim workshopovima i konferencijama, koja su organizovana u okviru navedenih Tempus projekata, su finansirana isključivo sredstvima Tempus projekata.*

Univerzitet u Tuzli je ove godine aplicirao na Tempus program sa projektom pod nazivom «Modernizacija i rekonstrukcija menadžmenta i strukture univerziteta». Kontraktor projekta je Univerzitet u Marburgu s kojim Univerzitet u Tuzli ima veoma dobru saradnju u svim segmentima. Projekat će se realizovati u naredne 3 godine, a počinje u Januaru 2009. godine.

**Projekat «Poboljšanje socijalnih službi i uloge istraživanje u oblasti socijalnog rada»** realizuje se u saradnji sa Univerzitetom primjenjenih znanosti iz Švicarske i predstavlja multidisciplinarni projekat u koji su uključeni Filozofski fakultet, Edukacijsko-rehabilitacijski fakultet i Medicinski fakultet Univerziteta u Tuzli te nevladina organizacija VIVE žene iz Tuzle. Koordinator ovog projekta ispred BiH učesnika je Ured za međunarodnu saradnju.

Ciljevi projekta su razmjena iskustava, kreiranje platforme za dalja istraživanja i mogućnosti apliciranja na zajedničke istraživačke projekte, poboljšanje saradnje između institucija uključenih u projekat. Neke od tema koje se razmatraju u projektu su: nasilje u porodici, trauma i oporavak od traume, pomirenje/oporavak, strukturalni aspekti kao što je saradnja između državnih institucija i NGOu kontekstu tranzicije i postratnog perioda. Posebno interesovanje je na ratnim traumama i oporavku sa tačke gledišta kako socijalne službe riješavaju slučajeve ratnim trauma, problemi sa kojima se suočavaju.

Preliminarna faza je podijeljena na 3 segmenta:

1. priprema i konkretizacija problema i tema
2. skupljanje podataka iz oblasti traume, nasilja, oporavka
3. planiranje i priprema istraživačkih projekata

U periodu 26. Oktobar – 30. Oktobar 2008. organizovan je prvi workshop na Univerzitetu u Tuzli na kojem su osim učesnika projekta prisustvovali i predstavnici Ministarstva za socijalni rad Tuzlanskog kantona.

Projekat traje 18 mjeseci i finansiran je od strane Švicarske rektorske konferencije i Univerziteta u Tuzli.

**Projekat: Razvoj privatnog sektora na Zapadnom Balkanu PSD II** u čijoj pripremi je učestvovao Univerzitet u Tuzli odobren je u oktobru 2008. godine i finansira se od strane Vlade Kraljevine Holandije. Nosilac projekta je nevladina organizacija iz Holandije – SPARK s kojom Univerzitet u Tuzli ima veoma uspješnu saradnju već dugi niz godina. Ostali učesnici projekta su Ministarstvo privrede iz Makedonije, Ministarstvo ekonomskog razvoja iz Crne Gore, Ministarstvo privrede i regionalnog razvoja iz Srbije, Privredne komora Beograd, Agencija za promociju poduzetništva Republike Makedonije, Agencija za razvoj malih i srednjih preduzeća iz Crne Gore, European Business Association, Skopje (EBA) te Univerziteti iz Beograda, Novog Sada, Prištine i Mitrovice, Tuzle i Zenice, Bitole i Skopja i Univerzitet iz Crne Gore.

Cilj projekta je stimulisanje ekonomskog razvoja jugoistočne Evrope i pomoć u procesima integracije u EU zemalja jugoistočne evrope kroz poboljšanje saradnje između privatnog sektora, vlada i univerziteta.

Projekat će se realizovati u periodu 1 juli 2008 – 31 decembra 2010.

Ispred Univerziteta u Tuzli u projekat su uključeni Ured za međunarodnu saradnju i Ekonomski fakultet.

## **2. Međunarodna saradnja i internacionalizacija**

Jasno je da je proces internacionalizacije važan za svaki univerzitet danas u svijetu, tako je i od strateške važnosti za Univerzitet u Tuzli. Proces internacionalizacije se treba posmatrati kroz dvije aktivnosti: edukaciju i istraživanje. Posljednjih godina, Univerzitet u Tuzli je poduzeo brojne aktivnosti s ciljem internacionalizacije nastavnog procesa i istraživanja. Univerzitet se uključuje u međunarodne projekte finansirane od strane EU i drugih međunarodnih fondova a koji se realizuju zajedno sa inostranim partnerima, univerzitetima i institutima.

Politika Univerziteta u Tuzli, u daljem procesu internacionalizacije, će i dalje biti fokusirati na poboljšanje kvaliteta obrazovanja i istraživanja, što će opet omogućiti dalju afirmaciju Univerziteta na međunarodnom nivou. Možemo izdvojiti 4 primarna područja na koja će i dalje biti od posebne važnosti:

1. Međunarodni odnosi i saradnja (ali ne samo u oblasti istraživanja i edukacije već i saradnje na administrativnom nivou)
2. Mobilnost nastavnika i studenata
3. Postizanje renomea Univerziteta na međunarodnom nivou
4. Organizovanje nastave na Engleskom jeziku (razvoj zajedničkog kurikuluma sa univerzitetima iz inostranstva)

Očigledno je da se u procesom internacionalizacije, koji se u najvećoj mjeri realizuje preko Ured za međunarodnu saradnju, znatno mijenjaju zadaci i obaveze ovog Ureda. Ured je preuzeo brojne aktivnosti kao što su: realizacija programa EU, organizovanje mobilnosti nastavnika i studenata, organizovanje ljetnih škola tj. Ljetnog Univerziteta, promocija univerziteta na međunarodnom nivou i dr. i postaje centralna tačka univerziteta u procesu internacionalizacije.

### **2.1 Upostavljanje saradnje sa univerzitetima u BiH, Regiji i Svijetu**

Ured obavlja brojne aktivnosti koje doprinose razvoju međuuniverzitetske i međunarodne saradnje. Dokazi o uspješnoj saradnji su najbolje vidljivi preko učešća univerziteta u međunarodnim projektima od kojih su neki nabrojani u prethodnom poglavlju.

U protekloj godini Univerzitet u Tuzli je potpisao saradnju sa slijedećim univerzitetima:

**Univerzitet u Gentu, Belgija** - Potpisan memorandum o razumijevanju 19.03.2008. godine, kojim se izražava zajednički interes u budućem razvoju naučne i kulturne saradnje. Definirana je saradnja u oblastima obrazovanja i naučno-istraživačkih i konsultantskih djelatnosti, razmjenu znanstvenog i nastavnog osoblja, razmjena studenata, zajedničke istraživačke projekte, zajedničke konferencije i sl.

**Državni Univerzitet Tetovo** - Sporazum o akademskoj saradnji potpisan 19.02.2008. godine. Definirana je saradnja u oblastima obrazovanja, naučno-istraživačkih i konsultantskih djelatnosti, razmjenu znanstvenog i nastavnog osoblja, razmjena studenata, zajedničko učestvovanje u istraživačkim projektima, zajedničke konferencije i sl.

**Ruski državni univerzitet za tjelesno obrazovanje, sport i turizam** - sporazum potpisan u novembru 2008. godine.

**Univerzitet u Beogradu** - sporazum potpisan 13. septembra 2008. godine. - Definirana je saradnja u oblasti obrazovanja i naučno-istraživačkih i konsultantskih djelatnosti, razmjena naučnog i nastavnog osoblja, razmjena studenata, učešće na zajedničkim istraživačkim projektima, zajedničke konferencije i sl.

**Državni univerzitet u Novom pazaru** - sporazum potpisan u oktobru 2008. godine.

**Institut za simboličku analizu i razvoj informacijskih tehnologija «IPAK»**, Republika Slovenija – sporazum potpisan u novembru 2008. godine.

U realizaciji su završne aktivnosti oko potpisivanja Ugovora o saradnji sa slijedećim univerzitetima: Univerzitet Crne Gore, Univerzitet primjenjene umjetnosti, Švicarska, Palacky Univerzitet, Olomouc, R. Češka, Univerzitet «Mediteran» iz Podgorice, Univerzitet u Portu, Portugal.

## **2.2. Mobilnost studenata**

Kao što smo već istakli u prethodnom poglavlju, mobilnost studenata i nastavnika nije u potpunosti zaživjela na Univerzitetu u Tuzli. Svi dokumenti i procedure su usvojene od strane Senata Univerziteta, ali mobilnost studenata i nastavnika se još uvijek ne realizuje u obimu u kojem bi to bilo potrebno. Ured za međunarodnu saradnju je u potpunosti preuzeo sve aktivnosti vezane za mobilnost studenata. Do sada smo realizovali samo pojedinačne slučajeve mobilnosti i to uglavnom na Filozofskom fakultetu. U okviru Tempus projekta studentica sa Filozofskog fakulteta, Odsjek za njemački jezik i književnost je boravila ljetni semestar 2007/2008 školska godina na Univerzitetu u Marburgu.

Nadalje tokom 2008. godine dvije studentice sa Univerziteta Adam Mikijevič su boravila na Filozofskom fakultetu, Odsjek za Bosanski jezik i književnost.

Trebamo istaći da su stalna interesovanja naših studenata za studijskim boravcima na univerzitetima širom Evrope, a i obratno. Međutim u radu smo se susreli sa određenim problemima koji se mogu definisati na slijedeći način:

- Nepoznavanje stranih jezika nastavnika
- Nedovoljna finansijska potpora od strane Univerziteta i relevantnih ministarstava
- Nedovoljno poznavanje sistema obrazovanja na univerzitetima širom Evrope

Stoga je i dalje potrebno raditi na kreiranju uslova za realizaciju mobilnosti studenata i nastavnika i to na slijedeća 4 nivoa:

1. horizontalna mobilnost studenata – mobilnost između fakulteta u okviru jednog univerziteta,
2. mobilnost između univerziteta u Bosni i Hercegovini,
3. mobilnost između univerziteta u regiji
4. mobilnost između univerziteta iz BiH i univerziteta u EU.

Treba istaći da mobilnost studenata i nastavnika predstavlja bitan segment u promociji svakog univerziteta kao i u procesu internacionalizacije univerziteta.

### **3. Ljetnji Univerzitet**

Trinaesti Ljetni Univerzitet pod nazivom „**Energija.....Budućnost Evrope**“ održan je u periodu od 30. juna do 10. jula 2008. godine. Ovu manifestaciju je organizirao Ured za međuuniverzitetsku i međunarodnu saradnju Univerziteta u Tuzli, u saradnji sa svim fakultetima tuzlanskog univerziteta. Na 13. LJUT-u sudjelovalo je oko 350 studenata, od kojih je značajan broj bio iz inostranstva, i za njih je Univerzitet u Tuzli snosio sve troškove boravka. Organizator LJUT-a pripremio je i izdao raznovrstan informativno-propagandni materijal s kojim je upoznao sve učesnike LJUT-a, kao i širu javnost, o svim sadržajima i načinima odvijanja ove manifestacije.

Sve aktivnosti LJUT-a održane su na fakultetima Univerziteta u Tuzli. Unija studenata Univerziteta u Tuzli je i ove godine veoma aktivno učestvovala u organizaciji LJUT-a, a posebno treba istaći manifestacije koje su organizovane od strane studenata RGGF-a, Edukacijsko-rehabilitacijskog fakulteta i Medicinskog fakulteta, kao i raznovrstan društveni program.

Ove godine kao i prethodne većina sredstva Ljetnog Univerziteta prikupljena su isključivo zalaganjem Ureda za međuuniverzitetsku saradnju, tj. prof. dr. Mirsada Đonlagića, direktora LJUT-a i predstavnika sa Fakulteta elektrotenike, Filozofskog fakulteta i Tehnološkog fakulteta. Samo Ured za međunarodnu saradnju je prikupio app. 35.000 KM. Ovdje nisu uvrštena sredstva prikupljena na Fakultetu elektrotehnike, Filozofskom i Tehnološkom fakultetu i sredstva dobivena u robi (kancelarijski materijal i hrana za studente). S ciljem promovisanja aktivnosti Ljetnog Univerziteta 2008., Ured je zajedno sa gospodinom Radimirom Žilićem, pripremio i izdao raznovrstan informativno-propagandni materijal sa kojim je upoznao sve učesnike LJUT-a, kao i širu javnost, o svim sadržajima i načinima odvijanja ove manifestacije.

Također su dodijeljena priznanja i zahvalnice sponzorima Ljetnog Univerziteta 2008. kao i određenom broju profesora sa Univerziteta iz inozemstva obzirom na njihov dugogodišnji angažman i učešće na LJUT-u.

Aktivnosti LJUT-a organizovana su u tri segmenta:

- Aktivnosti na nivou univerziteta
- Aktivnosti na nivou fakulteta
- Aktivnosti koje su organizovane od strane Unije studenata pojedinih fakulteta

Na nivou Univerziteta organizovani su slijedeći skupovi:

1. Međunarodni naučni skup: Racionalno korištenje energije, energetska efikasnost i održivi ekološki razvoj
2. Dvodnevni seminar: Digitalna fotografija
3. Workshop na temu: Organizacija studentskih službi i primjena ECTS alata

Na fakultetima Univerziteta u Tuzli, u saradnji sa Uredom za međunarodnu saradnju, organizovani su slijedeći skupovi:

1. Ex Seminar: Sigurnost i zaštita u prostorima ugroženim eksplozivnom atmosferom, Fakultet elektrotehnike
2. Konferencija: Povratak pjesme: Zbirka Milmana Parryja i njeni recepcijski odjeci u svijetu, Filozofski fakultet
3. Seminar: Hrana, analize hrane i prehrana, Tehnološki fakultet, Farmaceutski fakultet
4. Međunarodni Naučni skup: Sto godina od aneksije Bosne i Hercegovine, Filozofski fakultet
5. Okrugli sto: Uloga tehničkih fakulteta u razvoju energetskog sektora, Mašinski fakultet
6. Međunarodni simpozijum: Sport i zdravlje, Medicinski fakultet, Fakultet za tjelesni dogoj i sport, Edukacijsko-rehabilitacijski fakultet
7. Simpozijum: Metoda konačnih elemenata, RGGF

Pored navedenih skupova na fakultetima su organizovana predavanja sa različitim tematikama i sadržajem.

Tokom 13. LJUT-a posebno su se istakli skupovi koji su organizovani od strane studenata Univerziteta u Tuzli i to:

- Udruženje studenata RGGF-a – seminar na temu «Dobar inženjer, dobar menadžer»;
- Niz predavanja na temu »Ljeto i studenti defektologije« - Udruženje studenata Edukacijsko-rehabilitacijskog fakulteta

U saradnji sa Unijom studenata, stranim i domaćim studentima ponuđen je i raznovrstan društveni program (izleti i sportske aktivnosti).

Nakon završetka svakog kursa učesnicima, predavačima i studentima, dodijeljeni su certifikati o sudjelovanju na 13. LJUT-u, Tuzla 2008.

**Na kraju ćemo još istaći da je Ljetni Univerzitet jedina manifestacija ovog tipa koja se organizuje u Regionu i kao takva je već prepoznata i priznata od strane naših i insotranih partnera.**

#### **4. Promovisanje i podrška u realizaciji FP7 projekata**

Sedmi okvirni program - FP7 je glavni instrument Evropske Unije za finansiranje naučnih istraživanja i razvoja. Za razliku od prethodnih okvirnih programa, koji su trajali od tri do pet godina, FP7 traje *sedam godina*, od 01. januara 2007. do kraja 2013. godine. Od 2007. godine značajno je povećana mogućnost učešća i BiH institucija u FP7 projektima. Ured za međunarodnu saradnju, u saradnji sa Uredom na naučno-istraživački rad učestvuje u aktivnostima koji su vezani za promovisanje FP7 programa te pružanja podrške nastavnicima univerziteta pri apliciranju na navedene projekte. U decembru 2008. godine BiH je postala ravnopravan članica FP7 programa, tako da od naredne godine naše institucije mogu učestvovati u svim projektima koji se nude kroz FP7 program.

Tokom 2008. godine organizovane su radionice u saradnji sa Uredom za NIR na kojima su prezentirane mogućnosti učešća BiH institucija na FP7 projektima, načina apliciranja, objašnjenje finansijske šeme i dr.

1. Mart 2008. godine – održan Info dan u saradnji sa NCP BiH.
2. Juni 2007. godine – održana radionica na temu «Mogućnosti apliciranja na FP7 projekte»

#### **5. Provjera diploma i dokumenata**

U skladu sa Zakonom o nostrifikaciji diploma, svi kandidati koji žele nostrificirati diplome (dodiplomski, postdiplomski studij i diploma doktora nauka), podnose zahtjev Senatu Univerziteta, a nakon toga Senat formira komisiju za nostrifikaciju. U sklopu tog procesa zadatak Ureda za međunarodnu saradnju je da na zahtjev Sekretara komisije izvrši provjeru vjerodostojnosti diploma na univerzitetima na kojima su stečene (univerziteti van Bosne i Hercegovine). Također, Ured daje osnovne informacije i uputstva svim kandidatima, vezano za potrebnu dokumentaciju za nostrifikaciju diplome. Također, sva dodatna korespondencija između komisije i Univerziteta na kojem je stečena diploma se realizuje preko Ured za međunarodnu saradnju. Ured također daje sve potrebne informacije o sistemu školovanja na inostranim univerzitetima, potrebne za nostrifikaciju diplome. Ove godine je izvršeno oko 65 ovakvih provjera.

Pored ove provjere takođe se vrši i provjera dokumenata koji su izdati od strane Univerziteta u Tuzli. Ovakve zahtjeve Univerzitet u Tuzli dobiva sa univerziteta širom svijeta i provjera se vrši putem Ureda za međunarodnu saradnju. Obzirom na veliki broj naših građana, koji su svoje školovanje, dijelom i cjelokupno, završili na našem univerzitetu, a sada studiraju na nekom od univerziteta u inostranstvu, broj ovakvih provjera je znatan. Takođe su veoma česti zahtjevi za dostavljanjem nastavnih planova i programa našeg univerziteta.

Na početku svake akademske godine Ured vrši znatan broj provjera svih dokumenata izdatih od strane Univerziteta u Tuzli, a na zahtjev univerziteta van BiH, u najvećem broju na zahtjev univerziteta iz Beča i Graca.

#### **6. Stipendije i konkursi**

U sklopu godišnjih aktivnosti Ureda za međunarodnu saradnju spada i prikupljanje i distribuiranje podataka o konkursima i stipendijama za studente i nastavno osoblje. Ured za

međunarodnu saradnju pruža neophodnu pomoć kod popune aplikacija, a obavlja i sve ostale administrativne poslove vezane za ovu vrstu aktivnosti.

U toku prethodne godine obrađeni su slijedeći konkursi za stipendije i projekte:

- Tempus projekti – Univerzitet u Tuzli je ove godine aplicirao na 8 Tempus projekata. Ured za međunarodnu saradnju kontinuirano prati realizaciju svih Tempus projekata koji se realizuju na Univerzitetu i pri tome veoma često učestvuje u realizaciji pojedinih aktivnosti. U martu 2008. godine, u saradnji sa Tempus uredom iz Sarajeva organizovan je info-dan gdje je predstvalje i promovisan Tempus program.
- WUS AUSTRIA – DDS i Brain Gain Program za 2008. godinu. Također je organizovan inof-dan za programme koje finansasira WUS Austrija.
- DAAD-Njemačka služba za akademsku razmjenu i ove je godine dodijelila stipendije za dodiplomce, postdiplomce i doktorante koji žele da svoje dodatno usavršavanje steknu na nekom od univerziteta u Njemačkoj. 2 asistenta sa Odsjeka za Njemački jezik i književnost su dobila stipnedije i naredne godine će provesti dva mjeseca na Univerzitetu u Marburgu. Također je dodijeljena i jedna stipnedija za studentski boravak nastavniku sa Medicinskog fakulteta, koji će također boraviti na Univerzitetu u Marburgu.
- U saradnji sa Njemačkom ambasadam u Sarajevu i fondacijama iz Njemačke organizovana je prezentacija stipendija i projekta koje nude slijedeće Njemačke organizacije: DAAD-Leibniz Scholarships, Heinhrih Boll, Fondacija Konrad Adenauer, Max Planck, Programme und Fördermöglichkeiten über die Robert Bosch Stiftung, IAESTE Programme, Emmy Noether Programme, Humboldt Research Fellowships, Georg Forster Research Fellowship, Feodor Lynen Research Fellowships, Humboldt Research Awards.
- U saradnji sa Ambsadom Sjedinjenih Američkih država u Sarajevu organizovana je prezentacija programa razmjene studenata dodiplomskog studija gdje su prezentirane mogućnsti apliciranja i boravka na univerzitetima SAD-a u trajanju od godinu dana.
- FP7 program – Na Univerzitetu u Tuzli u saradnji sa Nacionalnim informativnim tijelom (NIP) za Okvirni program Evropske Unije (FP7) organizovan je «informativni dan» s ciljem upoznavanja o okvirnim programima Evropske Unije i mogućnostima učešća institucija iz BiH (naučnoistraživački projekti, pojedinačne stipendije za istraživanje u Evropskoj Uniji, uz konkretna iskustva učesnika u FP7). Ova aktivnost je objašnjena u tački 4.
- Zvanično od Novembra 2007. godine, Bosna i Hercegovina može učestvovati u CEEPUS programu, koji između ostalog ima za cilje organizovanje zajedničkih dodiplomskih i postdiplomskih programa, mobilnost studenata i nastavnika, kreiranje univerzitetskih mreža i sl. Ured za međunarodnu saradnju pruža pomoć pri apliciranju i realizaciji projekata u okviru CEEPUS programa. Dva CEEPUS projekta su ove godine odobrena i to na RGGF-a i na Prirodno matemtičkom fakultetu.
- Mnoge stipendije koje dodjeljuju vlade drugih država se dostavljaju na Univerzitet putem Ministarstva vanjskih poslova BiH, tako da treba istaći saradnju Ureda i sa ovom institucijom. Ove godine su to stipendije Vlade Grčke, R. Turske, Slovenije,

Velike Britanije, Italije, R. Češke, Agencija za razvoj i saradnju i Švicarska fondacija za nauku, Program stipendiranja Evropske komisije, Austrija i dr. Treba posebno istaći stipendije koje se dodjeljuju u okviru Erasmus-Mundus programa.

## **7. Studenti strani državaljani**

2007. godine Ured za međunarodnu saradnju je i zvanično preuzeo sve aktivnosti vezane za studenata iz Palestine koji studiraju na Univerzitetu u Tuzli. U školskoj 2008/2009 godini, na Univerzitet u Tuzli se je upisalo 18 studenata iz Palestine.

Ured za međunarodnu saradnju realizuje slijedeće aktivnosti u ovom segmentu:

- korespodencija sa Ambasadom Palestine u Sarajevu
- prikupljanje podataka o studentima stranim državljanima
- korespodencija sa Sekretarom Vlade TK i Ministarstvom obrazovanja, nauke, kulture i sporta TK
- korespodencija sa Studentskim centrom, a vezano za smještaj studenata stranih državljana
- aktivnosti oko organiziranja kursa Bosanskog jezika za studente strane državljanke
- kontakti sa MUP-om TK u vezi dozvola boravka za studente strane državljanke

## **8. Internet i web stranica**

Kao što je poznato Univerzitet u Tuzli ima stalnu Internet konekciju od 1024 Kbs. Ured za međunarodnu saradnju je uključen u poslove održavanja računarske mreže univerziteta, vodi administraciju i korespodenciju sa BH Telecomom – Internet providerom, otvaranje novih e-mail adresa za zaposlenike univerziteta i dr. Također, održava web stranicu Ureda za međunarodnu saradnju.

## **9. Razno**

Ured pored gore navedenih aktivnosti obavlja još niz aktivnosti po potrebi i nalogu rektora, a neki od njih su:

- Prevođenje pisanih materijala i simultano prevođenje prilikom posjete inostranih delegacija
- Vodi korespodenciju sa svim međunarodnim organizacijama a sa kojima Univerzitet ima saradnju npr. EUA
- Učestvuje u organizaciji manifestacije «Otvoreni univerzitet»
- Učestvuje u organizaciji manifestacija povodom «Godišnjice Univerziteta»
- Korespodencija sa Francuskim kulturnim centrom i aktivnosti na organizovanju kursa Francuskog jezika za studente i uposlenike
- Učestvuje u kreiranju i pisanju publikacija Univerziteta
- Učestvuje u realizaciji projekta «Jačanje visokog obrazovanja u BiH» kao Bologna promotori na Univerzitetu u Tuzli